

越城縣廣勝寺



甚希有經

大唐三藏法師玄奘奉詔譯

毀

如是我聞一時薄伽梵在王舍城住
 鷲峯山與大苾芻眾千二百五十人
 俱及無量菩薩諸天人等尔時尊者
 阿難於日初分為乞食故著衣持鉢
 入王舍城次第行乞遙見一所有大層
 閣營構初成嚴麗綺飾甚可愛樂既
 見是已內自思惟若有諸善男子或
 善女人能造如是高廣層閣嚴麗綺
 飾甚可愛樂奉施四方大德僧眾復
 有諸善男子或善女人於諸如来般
 涅槃後起窣堵波其量下如阿摩洛
 果以佛馱都如芥子許安置其中樹
 以表刹量如大針上安相輪如小棗
 葉或造佛像下如穰麥如是二種所
 生福聚何者為多尔時尊者阿難即
 作是念於王舍城次第乞已出還本
 處飯食訖扱衣鉢洗足已於食後時
 往如来所到已頂礼世尊雙足却住
 一面白佛言世尊惟我向者於日初
 分為乞食故著衣持鉢入王舍城次

甚希有經

第二卷

第五

第行乞遙見一所有大層閣營構初
 成嚴麗綺飾甚可愛樂既見是已內
 自思惟若有諸善男子或善女人能
 造如是高廣層閣嚴麗綺飾甚可愛
 樂奉施四方大德僧眾復有諸善男
 子或善女人於諸如来般涅槃後起
 窣堵波其量下如阿摩洛果以佛馱
 都如芥子許安置其中樹以表刹量
 如大針上安相輪如小棗葉或造佛
 像下如穰麥如是二種所生福聚何
 者為多故我今者請問世尊惟願如
 来哀愍為說

尔時世尊以妙梵音告阿難曰善哉
 善哉汝今為欲利益安樂無量眾生
 哀愍世間諸天人等令得大義利益
 安樂請問如来如是大義汝今諦聽
 極善思惟吾當為汝分別解說阿難
 白佛唯然世尊願樂欲聞
 尔時世尊告阿難曰即於此方南瞻
 部洲縱廣周匝七千踰繕那比閩南
 狹形如車箱人面亦尔假使於中合
 為一段或甘蔗林或蘆葦林或竹林
 等或復稻田胡麻田等側塞充滿無

有間隙如是假使遍瞻部洲或預流果或一來果或不還果或阿羅漢或諸獨覺側塞充滿亦无間隙如甘蔗等若有一家於彼聖衆盡形恭敬承事供養奉施上妙衣服飲食卧具醫藥及諸資緣於彼一般涅槃後如法焚身收其遺骨起窣堵波高廣嚴飾塗香末香薰香花鬘上妙幡蓋寶幢音樂燈炬光明讚歎供養汝意云何由是因緣彼所生福寧為多不阿難白佛甚多世尊甚多善逝尔時世尊復告阿難且置此方南瞻部洲於此東方毗提訶洲縱廣周匝八千踰繕那形如半月人面亦尔假使於中合為一段或甘蔗林或蘆葦林或竹林等或復稻田胡麻田等側塞充滿無有間隙如是假使遍彼東方毗提訶洲或預流果或一來果或不還果或阿羅漢或諸獨覺側塞充滿亦無間隙如甘蔗等若有一家於彼聖衆盡形恭敬承事供養奉施上妙衣服飲食卧具醫藥及諸資緣於彼一般涅槃後如法焚身收其遺骨起窣堵

彼高廣嚴飾塗香末香薰香花鬘上妙幡蓋寶幢音樂燈炬光明讚歎供養汝意云何由是因緣彼所生福寧為多不阿難白佛甚多世尊甚多善逝尔時世尊復告阿難且置東方毗提訶洲於此西方瞿陀尼洲縱廣周匝九千踰繕那形如日輪人面亦尔假使於中合成一段或甘蔗林或蘆葦林或竹林等或復稻田胡麻田等側塞充滿無有間隙如是假使遍彼西方瞿陀尼洲或預流果或一來果或不還果或阿羅漢或諸獨覺側塞充滿亦無間隙如甘蔗等若有一家於彼聖衆盡形恭敬承事供養奉施上妙衣服飲食卧具醫藥及諸資緣於彼一般涅槃後如法焚身收其遺骨起窣堵波高廣嚴飾塗香末香薰香花鬘上妙幡蓋寶幢音樂燈炬光明讚歎供養汝意云何由是因緣彼所生福寧為多不阿難白佛甚多世尊甚多善逝尔時世尊復告阿難且置西方瞿陀尼洲於此北方大俱盧洲縱廣周匝

十千踰繕那地形四方人面亦尔假使於中合成一段或甘蔗林或蘆葦林或竹林等或復稻田胡麻田等側塞充滿無有間隙如是假使遍彼北方大俱盧洲或預流果或一來果或不還果或阿羅漢或諸獨覺側塞充滿亦無間隙如甘蔗等若有一家於彼聖衆盡形恭敬承事供養奉施上妙衣服飲食卧具醫藥及諸資緣於彼一般涅槃後如法焚身收其遺骨起窣堵波高廣嚴飾塗香末香薰香花鬘上妙幡蓋寶幢音樂燈炬光明讚歎供養汝意云何由是因緣彼所生福寧為多不阿難白佛甚多世尊甚多善逝尔時世尊復告阿難且置北方大俱盧洲天主帝釋有大層臺其臺依止八万四千衆妙寶柱一寶住籠以種種天青琉璃妙寶珠網布以金沙灑以香水此臺周匝八万四千妙寶窓牖一一窓牖垂以種種天青琉璃妙寶珠簾布以金沙灑以香水此臺復有八万四千衆妙寶殿一一寶殿

甚希有經 第七卷 數字字

覆以種種天青琉璃妙寶珠網布以
金沙灑以香水假使若有諸善男子
或善女人造妙層閣高廣嚴麗似天
帝釋妙寶層臺奉施四方大德僧眾
汝意云何是善男子或善女人由此
因緣彼所生福寧為多不阿難白佛
甚多世尊甚多善逝

尔時世尊告阿難曰且置四洲及天
帝釋大寶層臺假使若有諸善男子
或善女人能造百千俱脰層閣高廣
嚴麗皆如帝釋妙寶層臺奉施四方
大德僧眾復有諸善男子或善女人
於諸如來般涅槃後起窣堵波其量
下如阿摩洛果以佛馱都如芥子許
安置其中樹以表刹量如大針上安
相輪如小棗葉或造佛像下如穰麥
以前福聚比此福聚於百分中不及
其一於千分中亦不及一於百千分
數分算分計分喻分乃至鄒波屋殺
曇分亦不及一何以故阿難如前福
聚其量雖多然不及者為諸如來於
三大劫阿僧祇耶修集无量勝戒定
慧及以解脫解脫知見皆圓滿故如

甚希有經 第七卷 數字字

來无量慈悲喜捨十方六趣教化神
通皆圓滿故如來無量布施持戒忍
辱精進靜慮智慧及餘功德皆圓滿
故以是當知造佛形像及窣堵波所
獲福聚不可思議不可比喻

尔時世尊告阿難曰汝當敬受如是
法門阿難白佛我已敬受未審如是
所說法門其名何等我當奉持佛告
阿難今此法門名甚希有能令眾生
種植一切圓淨白法以是名字汝當
奉持阿難當知我自昔來數數曾為天
龍藥叉廣說乃至人非人等宣說開
示如是法門何以故世尊欲令如是
種類諸眾生等於如來所无倒恭敬
種諸善根長夜獲得利益安樂速成
无上佛菩提故
時薄伽梵說是經已尊者阿難大慈
苾芻眾无量菩薩及諸天人阿素洛等
聞佛所說皆大歡喜信受奉行
甚希有經

甚希有經

校勘記

- 一 底本，金藏廣勝寺本。
- 一 一五八頁中一行及卷末經名、晉、南、徑、清作「佛說甚希有經」。
- 一 此經蹟有「大唐三藏聖教序御製」一篇及「皇太子臣治述聖記」一篇。
- 一 一五八頁中二行首字「大」，資、蹟、晉、南、徑、清無。
- 一 一五八頁中二行「奉詔」，晉、南作「奉第三詔」；徑作「奉詔第三」。
- 一 一五八頁中一三行第五字及一六〇頁上一三行第一〇字「卒」，資、蹟、晉、南、徑、清、清、麗作「卒」。
- 一 一五八頁中一六行第八字「穰」，蹟、晉、南、徑、清作「穰」。
- 一 一五八頁中一七行末字「即」，資、蹟、晉、南、徑、清作「既」。
- 一 一五八頁下四行第一二字至五行首字「甚可愛樂」，資、蹟、晉、南、

徑、清無。

一五八頁下一〇行第四字「穡」，
資、磧、普、南、徑、清作「穡」。

一五八頁下一三行第八字「音」，
資、磧、普、南、徑、清作「語」。

一五八頁下二一行第五字「箱」，
普、南、徑、清作「廂」。

一五八頁下末行「側塞」，
南、徑、清作「叟塞」，下同。

一五九頁上八行「末香」，
普、南、清作「秣香」，下同。

一五九頁上一五行第五字及一八
行第三字「或」，麗作「成」。

一五九頁中一行首字「彼」，
磧、普、南、徑、清、麗作「波」。

一五九頁中五行第五字「復」，
資、磧、普、南、徑、清無。

一五九頁下一八行第一二字「住」，
資、磧、普、南、徑、清、麗作「柱」。

一五九頁下二〇行第六字「臺」，
資、磧、普、南、徑、清作「臺復有」。

一五九頁下二〇行第一三字「妙」，

資、磧、普、南、徑、清作「衆妙」。

一五九頁下末行第一〇字及末字
「敵」，普、南作「敵」；
「廠」。

一六〇頁上三行第一三字「似」，
資、磧、普、南、徑、清作「以」。

一六〇頁上二二行第六字「企」，
普、南、徑、清作「企」。

一六〇頁上二二行「修集」，
磧、普、南、徑、清作「修習」。

一六〇頁中一一行第六字「知」，
麗作「如」。

一六〇頁中一一行第一二字「數」，
資、磧無。